

TUALCHHUNG SIAM MASK

*J. Hmingthanmawia IAS,
Director,
Commerce & Industries*

Mizoram Sawrkar chuan COVID-19 dona atan Committee on Promotion of Locally Manufactured Protective Gears chu Notification No.B.13021/112/2020-DMR dated 13.4.2020 khan a din a. Committee hian ngun taka a ngaituah hnuah he hrileng mek do nan leh inven nan'a mi tinin kan mamawh avang leh kan rama puan\huia eizawng mi tam tak, lockdown avanga hnathawk thei lote chhanchhuahna ni pah fawmin mask \hui a rel a. Puan\huitute leh raw materials zuartute ko khawmin theih tawp a hma lak a ni. Aizawl khawpui chungah ringawt pawh \hui tura thlan (workforce) mi 4000 vel an awm.

Mask \hui tur hian WHO leh Ministry of Health & Family Welfare Approved specification zawm a ni a. Tin, tualchhunga mi tinin an lei theihna tura man tlawm thei tura ngaituah a ni.

A \huituten ei tur an lo hmuh theih nan an \hui chhuah apiang Committee-in a leisak theih nan, CM Relief fund a\angin Revolving Fund Rs 20.00 lakh hmuh a ni a, hei hi pek kir leh tur a ni. Puan\huitute mask \hui hi tunah hian department-in non woven mask hi stock 1,42,525 (nuai khat sing li sang hnih zanga sawmhnhih panga) a leisak tawh a. Heta \ang hian mimal leh sawrkar department hnenah mask 33,365 @Rs.13/- in Rs. 4,33,748/- man hralh chhuah a ni tawh a ni. Committee kaihhrainain mask \hui chhuah mek a ni tih sorkarin a hriatin, Mizoram pawn a\anga mask lakluh chu sorkar order No.B.17011/535/2016-DHS/DRUGSDt 28.5.2020 hmangin khap nghal a ni a. Tin, Chief Secretary lehkha No.D.120011/1/2020-DTE-IND(HHW)Dt 3.6.2020 hmangin Mizoram chhunga sorkar department zawng zawngte chu kan mask siam chhuahte lei vek tura hriattir nghal an ni bawk.

Vawiin thlenga kan production capacity ngaituah chian hian, Mizoram hi Face Mask (tih thianghlim) ah hian, phai lam \hui la lut lovin kan intodelh thei tih a chiang hle. Mask man hi pek nghal zel a ni a, hlep awm lovin, a man ngaiin department chuan a hralh thei reng a ni.

A thawh hnihna atan woven fabric 100% cotton, reuseable/washable siam chhuak tura hma lak mek a ni a. He mask hi khawvel ram changkangte pawhin a an thlan, mihring tan a huat awm loh a ni.

Mask hralh theihna rate

Non Woven fabric 60 GSM (30+30) - Rs 13.00 (Vawi 3/4 vel hman nawn theih)

Woven Fabric 100 % Cotton - Rs.18.00 (Hman nawn theih)

Tualchhunga kan mask \huite \hat bikna te chu

WHO leh MoH&FW approved specification anga \hui a ni

Mask te hi UVC treated sterilization hmang a treatment pek vek an ni

Packaging pawh disinfect vek a ni a. Biodegradable (Eco friendly) bag a pack vek a ni.

Industry Meichher

Apr-Jun, 2020